

## LLOYD, HOWEL WILLIAM (1816 - 1893), hynafiaethydd

**Enw:** Howel William Lloyd  
**Dyddiad geni:** 1816  
**Dyddiad marw:** 1893  
**Priod:** Eliza Anne Lloyd (née Wilson)  
**Plentyn:** Mary Lloyd  
**Plentyn:** Edward H. Lloyd  
**Rhiant:** Edward Lloyd  
**Rhyw:** Gwryw  
**Galwedigaeth:** hynafiaethydd  
**Maes gweithgaredd:** Hanes a Diwylliant; Llenyddiaeth ac Ysgrifennu  
**Awdur:** Enid Pierce Roberts

Ganwyd yn Rhagad ger Corwen 27 Awst 1816, mab Edward Lloyd, twrnai a chadeirydd enwog brawdlys chwarterol Meirion am oddeutu hanner canrif, ac ŵyr i'r barnwr Lloyd, prif farnwr cylchdaith Caerfyrddin. Cafodd ei addysg yn Rugby ac yng Ngholeg Balliol a Choleg Iesu, Rhydychen. Urddwyd ef, a bu am oddeutu dwy flynedd yn gurad Llangorwen, ger Aberystwyth. Yn 1842 cafodd guradiaeth barhaol Pentrefoelas, ond ymddiswyddodd yn 1844. Ar 6 Ebrill 1846, yn Oscott, ger Birmingham, derbyniwyd ef i Eglwys Rufain. Bwriadai fynd yn offeiriad Pabyddol, ond ni chaniatâi ei iechyd. Ymwadai gymaint oherwydd ei ddaliadau crefyddol nes yr edrychai'r Pabyddion arno bron fel un o ferthron y ffydd. Gweithiodd yn galed i gael gwell cyfleusterau addysg i Babyddion. Yn ystod Rhyfel y Crimea bu'n uwchrif yn y swyddfa ryfel. Ysgrifennodd lawer am hanes a llên Cymru i gylchgronau'r cyfnod, ac yr oedd yn aelod o amryw gymdeithasau hynafiaethol. Cynorthwyodd ei gyfaill, **J. Y. W. Lloyd**, i gyfieithu barddoniaeth ar gyfer *History of Powys Fadog*, a chydag **Edward Hamer** ysgrifennodd *History of the Parish of Llangurig*.

Yn 1850 priododd Eliza Anne, merch George Wilson, Nutley a Brighton. Ganwyd iddynt ddau o blant - Mary, a fu farw'n ifanc, a mab, Edward H. Lloyd. Bu farw ei wraig 20 Mawrth 1887, a bu yntau farw yn ei gartref, 56 Abingdon Villas, Kensington, 20 Medi 1893, yn 77 oed.

### Awdur

Dr Enid Pierce Roberts

### Ffynonellau

T. R. Roberts, *Eminent Welshmen: a short biographical dictionary of Welshmen... from the earliest times to the present* (1908)

*Bye-Gones, relating to Wales and the Border Counties*, 1893, 204-5

### Dolenni Ychwanegol

Wikidata: Q20733180

**Dyddiad cyhoeddi:** 1953

**Hawlfraint Erthygl:** <http://rightsstatements.org/page/InC/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.



#### Arddull APA



Roberts, E. P., (1953). LLOYD, HOWEL WILLIAM (1816 - 1893), hynafiaethydd. *Y Bywgraffiadur Cymreig*. Adferwyd 18 Tac 2024, o <https://bywgraffiadur.cymru/article/c-LLOYD-WIL-1816>



LGC  
NLW

LLYFRGEL  
THE NATION



Ysgrifeddiadau  
Llywodraeth Cymru  
Copied by  
Welsh Government